



UNIVERSITÄTS-  
BIBLIOTHEK  
PADERBORN

## **Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

§. III. Utrùm sponsalia inter impnberes vel inter impuberem & puberem  
inita sint valida, vel nulla, & quâ ratione conualescant?

---

[urn:nbn:de:hbz:466:1-61641](https://nbn-resolving.org/urn:nbn:de:hbz:466:1-61641)

## §. II.

An sponsalia ab impuberibus contracta dissolvantur per solum dissensum alterius, postquam pubes factus est?

SI ab impuberibus, septennio tamen majoribus, sponsalia contracta fuerint, neuter resiliere potest, ante pubertatem, (ne propter aetatis inconstantiam saepius contrahant, & saepius resiliant) post pubertatem tamen uterque potest, (ne cogantur approbare, quod non satis firmâ aetate fecerunt) *c. De illis 7. h. t.* ita ut qui prius pubes factus est, statim resiliere possit à sponsalibus, nec teneatur expectare, donec etiam alter pubes factus fuerit, quia frustra expectatur eventus, cujus nullus est effectus, *c. Cum conting. 36. De offic. Iud. deleg.* neque tamen, si pubes cum impubere contraxit, illi resiliere licet, quamvis impuberi, qui cum tali pubere contraxit sponsalia, resiliere liceat, ut patet ex *cit. c. §. Mulier.* quia contractus potest in favorem minoris claudicare, modò resiliat in continenti, ut iura loquuntur, id est, intra triduum, saltem post adeptam pubertatem.

Quòd si tamen juramento hæc impuberum sponsalia, majorum tamen septennio & proximorum pubertati, confirmata sint, vel si impuberes de presenti contraxerunt, de jure antiquo, per copulam habitam; probabilius est, neutri licere pubertatem adepto resiliere, uti probari potest ex *c. Ex literis. 10. de sponsal.* (quia talibus periculosum est

contra juramenta sua venire) & *et c. nobis s. h. t.* cum talis conjunctio copulam facta saltem habeat vim verborum sponsalium.

## §. III.

Utrum sponsalia inter impuberes vel inter impubere & puberem una sint valida, vel nulla. & quatenus convalescant?

AD primam questionem et ob id jam patet responsio, quòd licet, si impuberes, vel impubes unus, & septennio minor, alter verò pubes sponsalia contraxerint, vel parentes eorum, horum loco, non tantum nulla sint, ut dictum, sponsalia talia, sed neque per lapsum temporis convalescant, nisi appareat liquidò, verbo, vel facto plerumque eos post septennium etiam in eadem voluntate contrahendi sponsalia perseverare. *c. Si infantes unico. h. t. in 6.* Convalescunt autem verbo, si se invicem sponso vocent, vel facto, si vel manu se, ut sponso osculentur, vel cohabitent invicem, &c. vel si malicia suppleat aetatem, id est, si eâ præditi sint, etiam ante septennium, discretionem, & auctoritatis, ut intelligant, quid agant, & quam sibi obligationem imponant, ut etiam ex *cit. L. In sponsalibus probantur* potest.

Quòd si tamen tales impuberes, vel impubes cum pubere de presenti contrahant sponsalia, quæ in aliis legitimis casibus verissimum matrimonium est, si nec proximi sint pubertati, nec malicia suppleat aetatem, contractus ille, ex jure fictione



fiatone vim quidem sponsalium de futuro habet, & impedimentum publicæ honestatis parit, matrimonium tamen, ob defectum legitimæ ætatis, non est, nec lapsu tantum temporis, si ætas v. g. compleatur, in matrimonium de præfenti conualefcit, juxta *reg. 18. non firmatur*, nisi per novum consensum præfentem, expressè, vel tacitè ratificetur & approbetur.

## §. IV.

An, & quatenus filii, ex sponsalibus per Patrem pro se contractis, obligentur?

Si parentes, pater scilicet, vel mater, pro filiis sufficientem ætatem, & usum rationis habentibus, sive puberes illi sint, sive impuberes, contrahant, ita ut hi expressè consentiant, vel saltem tacitè, non contradicendo, cum tamen possent, & præfentes fuerint, valet (cæteris paribus) matrimonium tale, vel sponsalia talia, & ex illis oritur publica honestas; non tamen valet contractus talis à parentibus factus, si factus fuit, absentibus liberis, & ignorantibus factum parentum, etiam si postmodum, quando factum suorum parentum rescunt, taceant, & nihil contradicant, sed ad valorem taliter contractorum sponsalium, aut matrimonii requiritur expressus, vel tacitus saltem absentium liberorum consensus, juxta *cit. cap. unicum*

*in 6. h. t. §. Porro. videatur etiam c. Tua 1. h. t. & quæ habet Auctor Method. tam in hoc, quam sequentibus duobus §§. ex c. Continebatur 6. & c. Ex literis 11. h. t. & pluribus aliis sufficienter jam explicatis, & post Tridentinum vix alicujus usus.*

## §. VII.

De ætate requisita ad matrimonium contrahendum, & de pubertate, & quando malitia suppleat ætatem?

Matrimonium validè contrahere non possunt, qui nondum ad legitimam ætatem à Canonibus præscriptam pervenerunt, ita ut nullum sit matrimonium ex defectu ætatis, quod contrahitur à fœmina ante duodecimum ætatis annum completum, à masculo verò ante decimum quartum ætatis annum completum, qui anni de jure communi in utroque sexu anni pubertatis habentur, nisi in casu causæ urgentissimæ cum illis, qui proximi sunt pubertati, ab Episcopo v. g. dispensatum fuerit, vel malitia suppleat ætatem, prout sumitur ex *c. Vbi non est 2. & c. De illis 9. h. t.* censetur autem malitia supplere ætatem, si potentiam habeant ad generandum, & rationis judicium sufficiens ad cognoscendum statum conjugalem, & ejus perpetuum ac indissolubile vinculum.



PPP p 2 TITV-